

# КПСС-н ЦК-н февральск Пленумин токтавр делгү таасгдджана

## Дигтә цагларн гарсн токтавр

Элст балгьсна МТС-н мастерскойд көдлмшчнр, цергләчнр болн инженерн-техническ көдләчнр хурв. КПСС-н Центральн Комитетин февральск Пленумин шиидвр сонъсхар 108 күн хургт ирцхäv.

Эн хург деер „Колхозн тосхлтин цаарандк делгрлтин болн МТС-н бүрдәмджиг онъгдаруллгьна тускар“ гаргьсч, КПСС-н Центральн Комитетин февральск Пленумин шиидврәр, КПСС-н Элст балгьсна комитетин негдгч сегләтр ұр Трубицын доклад кев. Ёр Трубицын „Колхозн тосхлтин цаарандк делгрлтин болн МТС-н бүрдәмджиг онъгдаруллгьна тускар“ ұр Н. С. Хрущевин докладин тезисмүдиг көдлмшчнрт тодрхагьар цәйлгьдждж өгв.

Докладин хөбн 8 күн босдж эс медсән ұр Трубицынәс сурцхав. Цуг сурврмудт тодрха кевәр хәру өггдв.

КПСС-н ЦК-н февральск Пленумин шиидвр, мана социалистическ селәнә эдл-ахуг улм цаарандвь батлдж, күчтә байн болгьх, колхозникудин бәәдл-джиргьлиг ясрулх шиидвр, — гилж 11-ч номертә тракторн бригадин бригадир ұр Хорольцев босдж келв.

„Колхозн тосхлтин цаарандк делгрлтин болн МТС-н бүрдәмджиг онъгдаруллгьна тускар“

ур Н. С. Хрущевин докладин тезисмүдт, МТС-н техникиг колхозмудт хулдхми гисн йир чик селвг. МТС-т бәәдг трактормудиг, комбайнсиг, нань чигн селәнә элл-ахун машидиг колхозмудт хулдхла, техникиг чикәр, олз-орутагьар эдлгдхнъ лавта гидж босдж ұг келцхәсн улс темдглцхäv.

— Машинн-тракторн станцсар бәәх техникиг колхозмудт хулдлгьн йир чик гидж санджанав. Элст балгьсна колхозмуд байн, эднд МТС-әс трактормуд, комбайнс, селәнә эдл-ахун машинд хулддж авх чидл бәәнә. Урднъ мана колхозмуд натуроплат гидж джил болгьн 6 сай арслнъ МТС-т өгдг билә. Тиим дала натуроплат өгсн бийнъ, Элст балгьсна колхозмуд джил болгьн 6 сай 500 минъгьн арслнъ хувагддго [көрнъгд гаргьдждж тәвдг бәәсмн. Ода Элст балгьсна МТС-н цуг техникин ұннъ болхла 7 сай арслнъ, тегад эн МТС-н цуг техникинъ балгьсна колхозмуд нег джилн эргцд хулддж авх чидлтә, — гидж МТС-н механик ұр Баранов С. Г. герчлдж келв.

Нег-негән дахад босдж келсн улс, ұр Н. С. Хрущевин докладин тезисмүдиг таасдж темдглцхäv.

В. ШАРАПОВ.